

SCORZONERA HISPANICA L. var. *brevifolia* Boiss. et Balansa.

Folia radicalia obovata vel oblongo-lanceolata tenuiter et longè acuminata, caulina angustissima, caules corymboso-ramosi 3-5 cephalis capitulis longè pedunculatis.

Scorzonera acuminata Boiss. et Balansa pl. Anat. exs. 1857.

Hab. in monte *Boulghas dagh Phrygiæ* alt. 1400 metr. cl. Balansa.

HIERACIUM BALANSÆ Boiss. (Sect. *Piloselloidea*.)

H. perenne radice præmorsâ fibriferâ, caule erecto elato foliato supernè compositè corymboso-ramoso ramisque ciliis longis patulis obsitis e tuberculo ortis prætereâque sub lente minute stellato-puberulis, foliis eodem duplici indumento obsitis oblongo-lanceolatis integris inferioribus obtusis superioribus lineari-lanceolatis acutis, capitulis globosis breviter pedunculatis, involucri phyllis linearibus subleucophæis setis longis albis eas ferè omninò occultantibus densè obsitis.

Hab. in monte *Boulghas dagh Phrygiæ* cl. Balansa. Medio Julio florere incipit.

Bipedale, folia inferiora 5-6 pollices longa pollicem lata, capitula magnitudinis eorum *H. pilosellæ*. Affine indumento longè et copiosè ciliato *H. macrotricho* et *H. setigero* Tausch. Ab utroque distinctum capitulis duplò majoribus, a priori iterùm caule non denudato, a posteriori ciliis longissimis.

CAMPANULACEÆ

CAMPANULA ARGÆA Boiss. et Balansa. (Sect. *Eucodon*.)

C. monocarpica radice fusiformi, caulibus crassis foliosis setis patulis albis strigosis prætereâque breviter tomentellis supernè in paniculam longam strictam spiciformem abeuntibus, foliis paginâ superiori tuberculato-scabris breviter setosis inferiori canescenti-tomentellis, inferioribus oblongo-spathulatis in petiolum